

Allannguutissatut siunnersuut

uunga

Siunnersuut uunga: Inuussutissarsiutigalugu takornarialerisunut takornariartitsinermik ingerlatsineq, zone-nut killilersuineq kiisalu sumiiffinnut aalajangersimasunut killilersuineq pillugit Inatsisartut inatsisaat

Naalackersuisut aappassaaneerinissaannut saqqummiussaq.

Siunnersuutip qulequtaanut

1. Siunnersuutip qulequtaa ima allassimassaaq:

”Siunnersuut uunga:

Inuussutissarsiutigalugu ingerlatsisunut takornarialerineq zone-nullu immikkoortitsineq pillugu Inatsisartut inatsisaat”

§ 1-mut

2. § 1, imm. 2, ima allanneqassaaq:

” *Imm. 2.* Inatsisartut inatsisaat inuussutissarsiutigalugu ingerlatsisunut aamma atuutsinneqarpoq.”

§ 3-mut

3. § 3 ima allanneqassaaq:

” § 3. *Imm. 2*-mi allassimasut aallaavigalugit akuersissummik atuuttumik pillit taamaallaat takornarissanut ingerlatsisinnaapput.

Imm. 2. §§7-10-mi piumasaqaataasutut allassimasut aallaavigalugit Naalackersuisut inunut inatsisitigullu inunnut takornarissanut ingerlatsisinnaanermut akuersissummik tunniussinnaapput. Takornarissanut ingerlatsinissamut akuersissut immikkuullarissumik pisoqartilugu piffissamik killilerlugu tunniunneqarsinnaavoq.

Imm. 3. Takornarialerinemik ingerlatsisup piffissaq akuersissuteqarfiusoq tamakkerlugu §§ 7-10-mi piumasaqaataasunik naammassinnissaaq. Takornarialerinemik ingerlatsisup piumasaqaatit naammassinngippagit, Inatsisartut inatsisaanni § 14, imm. 1-mi allassimasut

naapertorlugit takornarialerineramik ingerlatsisoq peqqussummik tunineqarsinnaavoq. Sillimaniarneq aammalu uumasut pinngortitalu mianerineqarnissaat eqqarsaatigalugu Naalakkersuisut piunasaqaatinik allanik aalajangersaasinnaapput, taakkualu takornariartitsineramik ingerlatsisup piffissami akuersissuteqarfiusumi takornarissanut ingerlatsisinnaaniaruni naammassisinnaasariaqarpai.

Imm. 4. Naalakkersuisut allakkatigut akuersissuteqartinnerisigut takornarissanut ingerlatsisinnaanermut akuersissut allanut ingerlateqqinneqarsinnaavoq.

Imm. 5. Takornariartitsineramik ingerlatsisinnaanermut akuersissutit Naalakkersuisut tamanut saqqummiussinnaavaat.

Imm. 6. Imm. 1-imi allassimasoqaraluartoq takornariartitsineramik ingerlatsisinnaanermut akuersissuteqarnissamut piunasaqaataat atuutsinneqassanngilaq takornariartitsivimmik ingerlatsivimmit ataatsimit arlalinnilluunniit kaaviiartitat ukiumut 50.000 kr. qaangerneqarsimangippata.

§ 6-mut

4. § 6 ima allanneqassaaq:

” § 6. Inatsisartut inatsisaanni matumani § 3-mi allassimasut tunngavigalugit Naalakkersuisut takornariartitsineramik ingerlatsinissamut akuersissummik tunniussinerminnut, § 13 naapertorlugu nakkutilliinissaminut, kiisalu § 14, imm. 1 naapertorlugu peqqusinissaminut kiisalu § 14, imm. 2 naapertorlugu peqqusutinik nalunaaruteqartarnerminnut atatillugu takornariartitsineramik ingerlatsinissamut akuersissummik utertitsisarnerminik pisussaaffimminnik, pisinnaatitaaffimminnillu Namminersorlutik Oqartussat ingerlatseqatigiiffiutaannut allanut imaluunniit kommunalbestyrelsemut tunniussisinnaapput.

Imm. 2. Namminersorlutik Oqartussat ingerlatseqatigiiffiutaat kommunalbestyrelseluunniit imm. 1 naapertorlugu pisussaaffinnik pisinnaatitaanernillu tigusaqartut, pisussaaffimminnik pisinnaatitaanerninnillu ingerlatsinissaminut atatillugu ingerlatsinermut malittarisassat periutsillu Namminersorlutik Oqartussa qarfiup ataani pisortat ingerlatsinerannut atuuttut malineqassapput, tassunga ilanngullugit Pisortat ingerlatsinneranni suliassat suliarineqartarnerat pillugu Inatsiartut inatsisaat, Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat kiisalu inuit paasissutissaataat pillugit suliaqarnissamut inatsit.

Imm. 3. Pisussaaffinnik pisinnaatitsissummilluunniit Namminersorlutik Oqartussa qarfiup suliffeqarfiutaannut kommunalbestyrelsemulluunniit tunniussisoqartillugu Naalakkersuisut nakkutilliinissamut maalaaruteqarsinnaanermullu tunngasunik aalajangersaasinnaapput.

§ 7-mut

5. § 7 ima allanneqassaaq:

” § 7. Takornariartitsinermik ingerlatsisinnaanermut akuersissummik taamaallaat tunniussisoqarsinnaavoq inummut:

- 1) Kalaallit Nunaanni inuit allattorsimaffianni nalunaarsugaasimasumut,
- 2) tamakkiisumik Kalaallit Nunaanni akileraartartumut.
- 3) nammineq pigisaminut nalilinnut tamakkiisumik atuisinnaatitaasumut aammalu akiliisinnaajunnaarsimasutut, suliamik ingerlatsisinnaajunnaarsimasutullu inissisimannngitsumut.”

§ 9-mut

6. § 9, imm. 5, ima allanneqassaaq:

” Imm. 5. Sillimaniarnermut pilersaarut ingerlatassat tunngavigalugit navianaataasinnaasunut nalilersuineramik tunngaveqartuussaaq, makkuninngalu imaqaassalluni:

- 1) navianartoqartillugu ajutoortoqartillugulu iliuusissanik nassuiaat,
- 2) sulisut ingerlatamut peqataasussat ilisimasassaatigut, misilittagassaatigut piginnaasassaatigullu piumasaqaataasut pillugit paasissutissat, aammalu
- 3) navianartoqartillugu qinnuteqartup sulisui qanoq periuseqartassanersut, tassunga ilanngullugu attaveqartarnissaat pillugit paasissutissat.”

§ 10-mut

7. § 10, imm. 2, ima allanneqassaaq:

” Imm. 2. Takornariartitsinermik ingerlatsiviusumut pineqartumut inuussutissarsiummut atatillugu sillimmasiiffiusinnaangitsunut imaluunniit allatigut sillimmasiisinnaanermut periarfissaaffiginn-gisaani imm. 1-mi allassimasut atuutinngilaq. ”

§ 11-mut

8. § 11, imm. 1-p kingorna imm. 2-tut ikkunneqassaaq:

” Immikkut akuersissut ukiunut marlunnut attuutissaaq, qinnuteqarnikkut ukiunik marlun-nik sivitsuisoqartarsinnaassaaq. Immikkut akuersissuteqarnermut sivitsuinernullu Naalackersuisut piumasaqaateqarsinnaapput.”

§ 12-mut

9. § 12, imm. 1, ima allanneqassaaq:

” § 12. § 3, imm. 2 aallaavigalugu takornariartitsinermik ingerlatsinissamut akuersissummik qinuteqartut kiisalu takornarialerinermik ingerlatsisut, pisorta qarfinni sullissinermi aningaasartuutitut matussusiinissamut Naalakkersuisut akiliuteqartissinnaavaat.”

§ 13-mut

10. § 13 ima allanneqassaaq:

” § 13. Takornariartitsinermik ingerlatsisut ass. Inatsisartut inatsisaannik aalajangersakkanillu Inatsisartut inatsisaat aallaavigalugu suliarineqarsimasunut malinninnerat pillugu Naalakkersuisut nakkutilliisussaapput.”

Kapitali 9-mut

11. Kapitali 9-mi qulequtaq ima allanneqassaaq:

” Inuussutissarsiutinik ingerlataqartunut zone-nut agguaaneq il.il.”

§ 15-mut

12. § 15 ima allanneqassaaq:

” § 15. Inuussutissarsiutigalugu ingerlatsisunut sumiiffinni aalajangersimasuni, piffissani aalajangersimasuni imaluunniit pissutsini immikkuullarissuni aammalu sumiiffinnik toq-qartuinissamut periutsit atuuttut aallaavigalugit suliaqarsinnaanerannut Naalakkersuisut ersarinnerusumik aalajangersaasinnaapput.”

§ 16-mut

13. § 16, imm. 1, ima allanneqassaaq:

” § 16. Kalaallit Nunaanni pinerluttulerinermi inatsit naapertorlugu akiliisitsissuteqarnermik pineqaatissiisoqarsinnaavoq pineqartumut piaaraluni imaluunniit mianersugaalliorujussuarluni:

- 1) § 3, imm. 1 naapertorlugu takornariartitsinermik ingerlatsinissamut akuersissummik atuuttumik peqarani takornariartitsinermik ingerlatsisimasumut,
- 2) takornariartitsinermik ingerlatsinissamut akuersissummut atugassarititaasut aallaavigalugit § 4 imm. 1 aallaavigalugu pisortat paasissutissat piumasinnaasaat pillugit paasissutissanik eqqungitsunik imaluunniit paatsoortitsinnaasunik imaluunniit nipangiussisimasumut, imaluunniit
- 3) § 14, imm. 1-imi pequssuteqarnermik malinnikkusunngitsumut.”

Allannguutissanut siunnersuutitut oqaaseqaatit

Oqaaseqaatit nalinginnaasut

Takornariartitsineramik ingerlatsineq, sumiiffinni nunami aalajangersimasuni zone-nut agguasaarneq il.il. inuussutissarsiutigalugu ingerlatsinermi aammalu killeqartumik sumiiffiit

ilaanni angalaarsinnaaneq pillugit Inatsisartut inatsisissaattut siunnersuut UKA 2024-mi siul-
lermeerneqarpoq.

Allannguutissatut siunnersuusiorterme Inatsisartut Allattoqarfianni inatsisissatut siun-
nersuutip inatsisitigut suliarineqarneratigut aaqqiissutissat siunnersuutigineqartut malillugit
suliaqartoqarpoq.

Taakkua saniatigut § 11 imm. 2-mik ikkussisoqarpoq, tassanilu immikkut akuersineq ukiunik
marlunnik sivissuseqartarnissaa aalajangersarneqarpoq, qinnuteqarnikkullu ukiunik mar-
lunnik sivitsuisoqartarsinnaavoq. Immikkut akuersissuteqarnermi sivitsuinermilu Naalak-
kersuisut piumasaqaatinik aalajangersaasarsinnaapput.

Taakkualu saniatigut siunnersuummi kalaallisut allassimasut § 16-imiittut naqqiiffigineqar-
put.

Allannguutissatut siunnersuutit aningaasatigut sunniuteqanngillat.

Siunnersuummi namminerme aalajangersakkanut ataasiakkaanut oqaaseqaatit

Nr. 1-mut (siunnersuutip qulequtaa)

Allannguutissatut siunnersuummi Inatsisartut inatsisaanni sumiiffinnut aalajangersimasunut
killilersuineq peerneqarnissaa siunnersuutigineqarpoq.

Taamaaliorterme aaqqiissutaareersunut naleqqussaaneq pineqarpoq, taannalu siun-
nersuummi § 1, imm. 2, (allannguutissatut siunnersuut nr. 2) aammalu § 15 (allannguutis-
satut siunnersuut nr. 12) aamma takuneqarsinnaavoq. Taakkununga oqaaseqaatit atu-
aquneqarput.

Nr. 2-mut (siunnersuummi § 1)

Allannguutissatut siunnersuummi siunnersuutigineqarpoq § 1, imm. 2 aaqqiisoqassasoq, taamaalilluni Inatsisartut inatsisaanni ” sumiiffinni aalajangersimasuni angalaartarnernut, uninngaartarnernullu” peerneqarlutik.

Allannguutissatut siunnersuummi – siunnersuummi § 15-imi allassimasutut siunnersuutaasumut atatillugu atuagassaasumi – Naalakkersuisut sumiiffinnut aalajangersimasunut inuit angalaarsinnaanerannut uninngaarsinnaanerannullu aalajangersaasinnaanerat peerneqarpoq.

Nr. 3-mut (siunnersuummi § 3)

Allannguutissatut siunnersuummi inatsisitigut oqaatsit aaqqissuunneqarput.

§ 3-mi imm. 2 1 pkt.-mi qallunaatut allassimasumi “juridisk” siunnersuutaasumi “juridiske”-nngortinneqarpoq. Siunnersuutip imarisaani allanngortoqanngilaq.

Allannguutissatut siunnersuummi § 3, imm. 2, 2. pkt.-mi nutaamik allassimasoqarpoq, tassa-nilu allassimavoq takornariartitsinermik ingerlatsisumut akuersissummik tunniussiniarnermik, immikkuullarissumik pisoqartillugu, akuersissut tunniunneqartoq piffissaligaasinnaasoq.

Allannguutissatut siunnersuummi ersarissarneqarpoq takornariartitsinermik ingerlatsisunut akuersissummik tunniussinermi piffissamik killilersuisoqartassanngitsoq, tamannalu aatsaat pisinnaasassasoq immikkut pisoqartillugu.

Assersuutigalugu Naalakkersuisut akuersissummik piffissalikkamik tunniussisinnaapput, akuersissummik ingerlatsineq piffissami killilikkami ingerlanneqarnissaa naapertuuppat, imaluunniit takornarialerinermik ingerlatsisoq aalajangersimasoq piffissalersugaanngitsumik akuersissummik tunineqannginnermini misilittagassaminik katerseqqaartariaqartutut nalilerneqarsimappat. Kingullertut taasaq takornariartitsinermik suliffeqarfinnut nutaanut imaluunniit sumiiffinni aalajangersimasuni nutaani takornariartitsinermik ingerlatsisussanut naleqqussinnaavoq.

Allannguutissatut siunnersuummi § 3-mi imm. 3-mi 3.pkt.-eqalernissaa siunnersuutaavoq, tassanilu Naalakkersuisut piffissami akuersissuteqarfiusumi sillimaniarneq aammalu sumiif-fimmi uumasut pinngortitarlu mianeriniarlugit takornariartitsinermik ingerlatsisinnaanermut akuersissuteqarfisassap naammassisassaanik piumasqaasorsinnaasut allassimavoq.

Aalajangersagassatut siunnersuut aallaavigalugu ilaatigut Naalakkersuisut takornarissanut ingerlatsinissamut akuersissummik piginnittunut aalajangersimasumik piumasqaateqarsinnaapput, soorlu aalajangersimasunik atortoqarnissaq, takornariartitsissummut aalajangersimasumut minnerpaamik sulisoqarnissaq, imaluunniit uumasunut nujuartanut ujartuinissamut, tassunga ilanngullugit nannut arferillu, takornariartitseriaatsimut aalajangersimasumut immikkut aalajangersaaneq. Ilaatigut uumasunik nujuartanik ujartuinermi uumasut sillimaniar-nissaat peqqissuunissaallu aammalu uumasup nujuartap pinngortitami uumaffigisaanik ingerlaarfiinillu mianerinninnissamut tunngasunik piumasqaateqartoqarsinnaavoq. Ilaatigut aamma angallassinermi amerlassusissanut piumasqaateqartoqarsinnaavoq, imaluunniit uumasunut nujuartanut ungasinnissamut piumasqaateqartoqarsinnaavoq.

§ 3, imm. 6-mi killiliinermut atatillugu inatsisissatut siunnersuummi qallunaatut oqaaseqaatini ilaatigut taaguutit ”omsætning” aamma ”indtægt” atorneqarsimapput. Naalakkersuisullu uani ersarissaaniarsimapput takornariartitsinermut ingerlatsisinnaanermut akuersissummik piginnittut ukiumut kaaviiartitaat ingerlatsivimmi ataatsimi arlalinniluunniit 50.000 kr. sinneqqusaanngikkaat.

Nr. 4-mut (siunnersuummi § 6)

Imm. 1-mut

Allannguutissatut siunnersuummi siunnersuutigineqarpoq siunnersuummi § 6, imm. 1 allassimasut, tassanilu ”pisortani oqartussanut allanut” peerlugu ”imaluunniit kommunalbestyrelsemut” ikkunneqarpoq. Allannguutissatut siunnersuummi aalajangersagaq aallaavigalugu Naalakkersuisut pisussaaffimminnik pisinnaatitaaffimminnillu kommunalbestyrelsemut tunniussisinnalissapput.

Imm. 2-mut

Allannguutissatut siunnersuummi siunnersuutigineqarpoq § 6 imm. 2 nutaamik allasimasoqalissasoq, taamaalilluni Namminersorlutik Oqartussat ingerlatseqatigiiffiutaat kommunalbestyrelseluunniit imm. 1 naapertorlugu pisussaaffinnik pisinnaatitaanernillu tigusaqartut, pisussaaffimminnik pisinnaatitaanerminnillu ingerlatsinissaminut atatillugu ingerlatsinermut malittarisassat periutsillu Namminersorlutik Oqartussa qarfiup ataani pisortat

ingerlatsinerannut atuuttut malinneqassasut, tassunga ilanngullugit Pisortat ingerlatsinneranni suliaassat suliarineqartarnerat pillugu Inatsiartut inatsisaat, Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat kiisalu inuit paasisutissaataat pillugit suliaqarnissamut inatsit.

Namminersorlutik Oqartussat ingerlatseqatigiiffiutaat kommunalbestyrelseluunniit §6 imm. 1 naapertorlugu pisussaaffinnik pisinnaatitaanernillu tigusaqartut, pisussaaffimminnik pisinnaatitaanerminnillu ingerlatsinissaminnut atatillugu ingerlatsineranut malittarisassat periutsillu Namminersorlutik Oqartussaqaarfiup ataani pisortat ingerlatsinerannut atuuttut malinneqassasut, tassunga ilanngullugit Pisortat ingerlatsinneranni suliaassat suliarineqartarnerat pillugu Inatsiartut inatsisaat, Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat kiisalu inuit paasisutissaataat pillugit suliaqarnissamut inatsit. Tamanna isumaqarpoq ingerlatseqatigiiffik kommunalbestyrelseluunniit ilaatigut pisortaqaarfinni ingerlatsinissamut malittarisassat nalinginnaasut malissagaat, aammalu paasisutissat pissarsiarineqartut nipangersimasussaataitanermut malittarisassat malillugit suliarisagaat, taannalu pisortaqaarfinni ingerlatsinerami malittarisassaniippoq aammalu inuit paasisutissaataat pillugit suliaqarneq pillugu inatsimmi allassimalluni.

Imm. 3-mut

Allanguutissatut siunnersuummi siunnersuutaasimasumi § 6, imm. 3-mi nutaamik allasimasoqalernissaa siunnersuutaavoq, Naalakkersuisullu nakkutilliinermut maalaaruteqarsinnaanermullu attuumassusilinnik aalajangersaasinnaalerlutik, tamannalu pisinnaassaaq pisinnaatitaaffiit pisussaaffiillu Namminersorlutik Oqartussat ingerlatseqatigiiffiutaannut kommunalbestyrelsemulluunniit ingerlatinneqarsimatillugit.

Aalajangersagassatut siunnersuutaasoq aallaavigalugu Naalakkersuisut pisussaaffinnik pisinnaatitaaffinnillu pisortaqaarfinnut, Namminersorlutik Oqartussat ingerlatseqatigiiffiutaannut kommunalbestyrelsemulluunniit ingerlatsisoqarsimatillugu nakkutilliinissamut maalaaruteqarnissamullu attuumassusilinnik aalajangersaasinnaapput.

Nr. 5-mut (siunnersuummi § 7)

Allanguutissatut siunnersuummi inatsisitigut allasimasuni aaqqiisoqarpoq.

Allannguutissatut siunnersuummi, siunnersuutaasimasuni § 7-mi inunnut takornariartitsiner-mut ingerlatsinissamut akuersissummik tunniussisoqarnissaanut piumasaqaataasut tamarmik naammassineqartussaaneerit ersarissarneqarpoq.

Nr. 6-mut (siunnersuummi § 9)

Allannguutissatut siunnersuummi inatsisitigut allassimasuni aaqqiisoqarpoq. Siunnersuutip imarisaani allanngortoqanngilaq.

Nr. 7-mut (siunnersuummi § 10)

Allannguutissatut siunnersuummi inatsisitigut allassimasuni aaqqiisoqarpoq. Siunnersuutip imarisaani allanngortoqanngilaq.

Nr. 8-mut (siunnersuummi § 11)

Aalajangersakkami immikkut akuersissut ukiunut marlunnut atuuttarnissaanut aalajanger-saasoqarpoq, qinnuteqarnikkullu ukiunik marlunnik sivitsuisoqartarsinnaavoq. Immikkut akuersissuteqarnermi sivitsuinermilu Naalakkersuisut piumasaqaatinik aalajanger-saasarsinnaapput.

Nr. 9-mut (siunnersuummi § 12)

Allannguutissatut siunnersuummi inatsisitigut allassimasuni aaqqiisoqarpoq. Siunnersuutaasumi § 12, imm. 1-imi “suliamik ingerlatsineq” “pisorta qarfinni sullissineq”-mik taarserneqarpoq. Siunnersuutip imarisaani allanngortoqanngilaq.

Nr. 10 (siunnersuummi § 13)

Allannguutissatut siunnersuummi inatsisitigut allassimasuni aaqqiisoqarpoq. Siunnersuummi § 13-imi allassimasumi takornariartitsinermik ingerlatsisut allassimanerisa kingorna “ass.” Ilanngunneqarnissaa siunnersuutigineqarpoq.

Allannguutissatut siunnersuummi Naalakkersuisut Inatsisartut inatsisaannut matumunnga attuumassusilinnut ingerlanneqartunut assigisaannullu nakkutilliisussaaneerat ersarissarneqarpoq. Naalakkersuisut nakkutilliisussaaneerit Inatsisartut inatsisaannut matumunnga attuumassusillit tamarmik pineqarput, tassunga ilapput siunnersuummi § 3, imm. 1

aallaavigalugu akuersissummik tunineqarnissamut inunnut inatsisitigullu inunnut pi-
umasaqaataasut naammassineqarnersut nakkutigineqarnissaat.

Nr. 11-mut (siunnersuummi kapitali 9-p qulequtaa)

Allannguutissatut siunnersuummi sumiiffinni ingerlaarsinnaanissamut killilersuiner-
mut attuumassusillit siunnersuutaasimasup kapitaliata 9-ani qulequtaasimasumi peerneqarpoq.

Uani allani aaqqiissutaasimasunut nalimmassaasoqaannarpoq, taannalu siunnersuutaasumi §
15-imi naqqiutinut attuumassuteqarpoq (allannguutissatut siunnersuummi nr. 12).
Oqaaseqaatit tassunga attuumassusillit atuaqquneqarput.

Nr. 12-imut (siunnersuummi § 15)

Allannguutissatut siunnersuummi § 15-imi allassimasut nutaamik allassimasoqalernissaat
siunnersuutaavoq, taannalu aallaavigalugu Naalakkersuisut inuussutissarsiutigalugu inger-
latsisunut sumiiffinni aalajangersimasuni, piffissani aalajangersimasuni imaluunniit pis-
sutsini immikkuullarissuni aammalu sumiiffinnik toqqartuinissamut periutsit atuuttut aalla-
vigalugit suliaqarsinnaanerannut Naalakkersuisut ersarinnerusumik aalajangersaasinnaane-
rat aalajangersarneqarpoq.

Aalajangersagassatut siunnersuutaasoq aallaavigalugu Naalakkersuisut sumiiffinni aalajan-
gersimasuni, piffissami aalajangersimasumi pissutsinilu aalajangersimasuni taamaallaat i-
nuussutissarsiutigalugu ingerlatsisoqarsinnaanerannut aalajangersaanissaminnut tunngavis-
saqassapput. Aalajangersagassatut siunnersuutaasumiittaaq Naalakkersuisut sumiiffinnik
toqqaanissamut, piumasaqaatinik sumiiffinnut pineqartunut atuuttussanik aalajangiinis-
saminnut qanoq suleriuseqartoqarsinnaanerannut aalajangersaasinnaapput.

Aalajangersagaq inuussutissarsiutigalugu ingerlatsisunut tamanut attuumassuteqarpoq, tassa
takornarissanut ingerlatsiner-
mut taamaallaat atuutinngilaq.

Naalakkersuisut sumiiffinni aalajangersaasinnaapput, taamaaliortoqassappalli nalingin-
naasumik kommunit taakkuupput aalajangersagassat imarisassaannut siunnersuuteqarnis-
samut suliniummik aallartitsisussat.

Sumiiffinni aalajangersimasuni taamaallaat inuussutissarsiutigalugu ingerlatsisut sulia-
qarsinnaanerannut aalajangersaanermi zone-nut agguaanissamut aalajangersaasinnaaneq

ilaatigut pineqarpoq. Assersuutigalugu inuussutissarsiutigalugu ingerlatsisunut pi-
umasaqaatit assigiinngitsut zone-nut assigiinngitsunut aalajangersarneqarsinnaapput. Imaas-
sinnaavoq zone qorsuk killilersuinertaqanngitsoq, zone sungaartoq immikkuullarissunik pi-
umasaqaatitaqartoq kiisalu zone aappaluttoq inuussutissarsiutigalugu ingerlatsinissamut
tamakkiisumik inerteqquteqarfiusoq.

Piffissani aalajangersimasuni taamaallaat inuussutissarsiutigalugu ingerlatsisinnaanissaan-
nut aalajangersaaneq ima paasineqarsinnaavoq, soorlu aalisarnerup piniarnerullu imaluun-
niit piffissaq uumasunut pinngortitamulluunniit mianeriniffiusussap avataani inuussutis-
sarsiutigalugu ingerlatsineq.

Piomasqaatit immikkuullarissut aallaavigalugit taamaallaat inuussutissarsiutigalugu inger-
latsisinnaanissaannut aalajangersaaneq ima paasineqarsinnaavoq, soorlu ingerlatsisoqas-
sappat sillimaniarnermut, sillimasiinermut, atortunik aalajangersimasunik atuinissamut at-
ueqqusaannginnermut imaluunniit sumiiffimmi inuussutissarsiutigalugu ingerlatsiffiu-
sussami inuit amerlassusissaannut aalajangersaaneq.

Sumiiffinnik toqqaanissamut tunngatillugu suleriesissanik aalajangersaasinnaanissamut
periarfissat aallaavigalugit Naalakkersuisut aalajangiisinnaassapput sumiiffinnik toqqaanis-
samut periusissaq qanoq aaqqissuunneqassanersoq. Assersuutigalugu Naalakkersuisut aala-
jangersinnaapput kommunit akornanni qinnuteqartoqarsinnaasoq kiisalu tamanut tusarniaan-
issamut aalajangersaasoqarsinnaasoq assigisaannillu. Taakkua saniatigut Naalakkersuisut
aalajangersaasinnaapput piomasqaatit suut aallaavigalugit sumiiffinnik toqqaasoqartassan-
ersoq.

Aalajangersagaq aallaavigalugu inatsisini allani allassimasut avaqqunneqarsinnaanngillat,
tassunga ilanngullugu inuussutissarsiornermut inatsisit, avatangiisinut inatsisit imaluunniit
sumiiffiit pillugit pilersaarusanut inatsisit.

Imm.1-imi aalajangersakkattaaq ilaatigut nunaminertat atorineqarnissaannut pilersaarutit
pillugit Inatsisartut inatsisaanni allassimasut unioqquteqqusaanngilaat.

Soorluttaaq sumiiffiit aalajangersimasut zone-nut agguarneqarnissaannut imaluunniit inu-
ussutissarsiutigalugu ingerlatsiffiunissaannut aalajangiiffissat aammalu inatsisartut
inatsisaanni matumani malittarisassat inatsisini pioreersunit allaaneruppata taava

nunaminertat atorineqarnissaannut pilersaarutit pillugit Inatsisartut inatsisaat aallaavigalugit sumiiffinni pilersaarusiorneqareersimappata ataqqineqassapput.

Taamaaliornikkut sumiiffinni aalajangersimasuni inuussutissarsiutigalugu ingerlatsiffiusinnaasuni sumiiffinni aalajangersimasuni imaluunniit inatsisini allani kommunini aalajangersarneqarsimasut unioqqutillugit allatut aalajangersaasoqarsinnaanngilaq.

Aalajangersagaq aallaavigalugu malittarisassat suliarineqarnerini pigisanik arsaarinnittoqartariaqarneranut tunngassutilinnik aalajangersaasoqarnissaa pinaveersaartinneqassaaq. Inuussutissarsiutigalugu ingerlatsisinnaanermut unioqquteqarnermi tunngaviumik sumiiffinni inunnit inatsisitigulluunniit inunnit inuussutissarsiutigalugu ingerlatsiffioreersuni atuutsinneqalinnginnissaa pinaveersaartinneqassaaq. Immikkulli pisoqartilugu suliffeqarfiit inuussutissarsiutigalugu ingerlatsereersuusut immikkut akuerisaallutik akuersissummik tunineqarsinnaanernut aalajangersaasoqassaaq, taamaaliornikkut inuussutissarsiutigalugu ingerlatsisut ingerlataannut allatigulluunniit pisinnaatitaaffiitut naapertuutinngitsumik pisoqarnissaa avaqqunneqarsinnaavoq.

Nr. 13-imut (siunnersuummi § 16, imm.1)

Allannguutissatut siunnersuummi inatsisitigut allassimasunik aaqqiisoqarpoq.

Kalaallisut allassimasumi innersuussinermi kukkuneq aamma aaqqinneqarpoq.

Siunnersuummi imarineqartuni allannguisoqanngilaq.